

鄖縣

志

學校卷三  
營建卷四  
壇壝

地 260.174

38

:3





鄖縣學校志卷三

鄖縣立學漢唐宋元以前無可考明洪武初知縣馬伯庸創建始有學學校者人材所從出易言果行育德聖功必自養正始觀之象曰先王以省方觀民設教蓋四方風俗各有偏倚矯其偏而歸於中正復其性而引之道義者莫如學校此郡邑立學所由昉也學校興斯人才出人才出斯風化端忠孝廉節恆必由之我

朝右學敷文尊

鄖縣志

學校卷三

學校

師重道立國學立郡縣學立社學將以陶成德行禮鎔樂治培其本達其支為

國家儲有用之材重學校非第重科目也化民成俗必由學觀乎人文以化成天下修志者其知道乎志學校

學校

虞書曰克明俊德以親九族九族既睦平章百姓百姓昭明協和萬邦黎民於變時雍又曰敬敷五教在寬按唐虞均無學之名而教以人倫實肇於此





夏書曰東漸于海西被于流沙朔南暨聲教訖于四海  
商書曰先王肇修人紀又曰德無常師主善爲師又曰  
念終始典于學按自古言學始此

周詩曰鎬京辟離自西自東自南自北無思不服  
魯頌思樂泮水頌僖公修泮宮而作也然學之本學之  
事學之功皆備於此詩攷學校之條理詳學校之關  
係其細繹之

明堂位來廩有虞氏之庠也序夏后氏之序也瞽宗殷  
學也頽宮周學也此言魯得立虞夏商周之學

鄖縣志

學校卷三

學校

二

古之教者家有塾黨有庠術有序術當爲遂萬二千五百家爲遂國有  
學

周靈王二十一年卽魯襄公二十二年庚戌十一月庚  
子日甲申時孔子生謹按周正建子今以正月建寅  
推之

至聖誕辰八月二十七日也

孔子祖述堯舜憲章文武人倫之至斯文之宗道高德  
厚教澤逮乎萬世自生民以來未有盛於孔子也

黌宮祀典



記曰凡始立學宮必釋奠於先聖先師及行事必以幣  
又曰大學始教皮弁祭菜示敬道也

漢高帝十二年過魯以太牢祀孔子此祀孔子之始平  
帝元年初追贈孔子曰褒城宣尼公明帝章帝皆親  
詣孔子宅致祀而章帝尤虔元和二年帝東巡柴告  
岱宗三至魯親祀孔子及七十二賢作六代之樂和  
帝封孔子褒尊侯安帝延光中祀孔子及七十二弟  
子於闕里

魏正始中令太常釋奠以太牢祀孔子於辟雍以顏淵  
耶縣志

學校卷三

黌宮祀典

三

配漢以來祀孔子皆於闕里至是始於太學行釋奠  
禮此釋奠之始

晉武帝泰康二年詔魯國四時以三牲祀釋奠於中堂  
以顏子配七年詔太子親釋奠於太學此太子釋奠  
之始

南宋文帝元嘉中太子釋奠採晉故事裴松之議應舞  
六佾宜設軒懸之樂此釋奠用六佾軒懸樂之始

元魏文成帝詔宣尼廟別敕有司行薦享之禮此有司  
薦享之始



北齊每月朔制祭酒領博士以下及國子諸生以上太學四門博士升堂助教以下太學諸生階下拜此朔日行禮之始

梁元帝承聖初於荊州創宣聖廟自圖畫聖像爲贊書之

南北五代俱崇祀不廢

隋開皇中贈孔子爲先師尼父以周公爲先聖南面孔子東面命國子學每當四仲月上丁釋奠此春秋二仲釋奠之始

鄆縣志

學校卷三

黌宮祀典

四

唐高祖武德二年詔國子學立周公孔子廟各一所四時致祭此國子立廟之始太宗貞觀中房元齡議武德中詔釋奠太學以周公爲先聖孔子配享以爲周公尼父俱稱聖人庠序置奠本緣孔子故晉宋梁陳隋以孔子爲先聖顏回爲先師請別祀周公尊孔子爲先聖以顏回配從之又詔太子釋奠於先聖先師太子爲初獻國子祭酒爲亞獻司業爲終獻諸州刺史爲初獻上佐爲亞獻博士爲終獻縣學令爲初獻丞爲亞獻無博士以主簿爲終獻各州縣以守令承



祭始於此又詔以左邱明卜子夏公羊高穀梁赤以下二十二人配享孔聖高宗乾封元年追贈孔子爲太師後又贈顏回太子少師曾參太子少保並配享孔子廟以曾參配享始此元宗開元八年司業李元瓘奏顏子配像請據禮授坐不立之文合從坐侍又四科弟子閔子騫等雖列像廟堂不參享祀而何休范甯等二十二賢俱霑從祀請釋奠十哲列在二十二賢之上曾參孝道可崇受孝經於孔子宜從享詔顏子等十哲爲坐像悉令從祀曾參特爲坐像在十

鄭縣志

學校卷二

費宮祀典

五

哲之次十三年封泰山還幸闕里孔子宅親奠遣使以太牢祀墓並蠲其子孫賦役令天下州縣立廟二十七年追謚孔子爲文宣王定祭期春秋二仲上丁贈顏子爲充國公閔損等九人爲侯曾參等爲伯

宋真宗大中祥符元年十月帝封泰山過曲阜幸闕里謁孔子廟又追謚孔子爲至聖文宣王費侯閔損以下皆爲公邾伯曾參以下爲侯魯史左邱明爲伯仁宗至和二年改封孔子後文宣公爲衍聖公孫奭又奏舊禮以祭酒司業博士爲三獻新禮以三公行事



近年只差縣官二員未副崇祀嚮學之意神宗元豐  
元年詔以孟子配孔子以荀况楊雄韓愈從祀此孟  
子配享之始徽宗崇甯中從司業蔣靜請文宣王用  
冕旒十二服九章大觀二年詔以子思從祀孔廟理  
宗元年詔以周敦頤張載程顥程頤與朱熹並從祀  
孔子廟黜王安石又以張栻呂祖謙從祀孔子度宗  
三年以顏回曾參孔伋孟軻並配孔子升顥孫師於  
十哲列邵雍司馬光於從祀此顏曾思孟配享之始  
元成宗大德八年增置國子生十年制加孔子號曰大  
鄭縣志

學校卷三

黌宮祀典

六

成仁宗皇慶中以許衡從祀孔子文宗至順元年詔  
加孔子父母封爵又加封顏回爲充國復聖公會參  
邾國宗聖公孔伋沂國述聖公孟軻鄒國亞聖公始  
以董仲舒從祀孔子

明洪武元年冬十一月以孔子五十六世孫希學封衍  
聖公希大世襲曲阜縣知縣二年冬十月詔天下府  
州縣皆立學又勅每月朔望祭酒以下行釋菜禮郡  
縣長以下詣學行香四年定祭器禮物各置高案邊  
豆簠簋登鉶悉用瓷牲用熟樂用六佾十四年文廟



成遣官以太牢祀神主不設像十五年五月帝詣國  
子監釋奠於先師成祖永樂四年春三月帝詣國子  
監行釋奠禮尚書鄭賜奏宋制謁孔子服韠袍行再  
拜禮帝曰見先師禮不可減宜服皮弁行一奠四拜  
禮宣宗宣德十年以元儒吳澄從祀孔子廟庭冬十  
月詔天下衛所皆立學英宗正統二年六月以宋儒  
胡安國蔡沈真德秀從祀孔子廟庭三年禁祀孔子  
於釋老宮令祭物非所產者鹿兔以羊代榛栗以土  
果代景帝景泰六年以國學兩廡祭品儉薄從太常

鄖縣志

學校卷三

黌宮祀典

七

請增豕四棗栗形鹽爲斤者各五十黍稷爲斗者各  
二憲宗成化元年春三月帝視國子監孝宗宏治元  
年春三月帝視國子監御經筵命儒臣日講八年秋  
七月以宋儒楊時從祀世宗嘉靖二年夏四月以宋  
儒朱熹裔孫墅爲五經博士九年冬十一月更定孔  
廟祀典尊孔子曰至聖先師尊四配爲復聖顏子宗  
聖曾子述聖子思子亞聖孟子從祀自十哲以下稱  
先賢自左邱明以下稱先儒去塑像設木主祭用籩  
豆十舞佾八其郡邑學籩豆殺其二舞佾止六以別



國學我

朝順治元年定每歲春秋仲月上丁日直省府州縣各行釋奠於

先師之禮以地方正印官主祭陳設禮儀均與國子監同  
二年稱

大成至聖文宣王十七年改稱

至聖先師孔子口孔子沒子貢用檀木雕像漢蜀郡太守  
文翁又塑孔子於石室自後或塑或繪皆用像也明  
洪武十五年太學始更木主至嘉靖九年令天下盡

鄖縣志

學校卷三

賢宮祀典

八

撤而瘞之間有藏諸複壁中者於是皆木主矣  
康熙四十九年奉

上諭直省府州縣致祭先師凡同城大小武官均照例入廟  
行禮雍正三年奏准將

文廟祭器樂器式樣刊刻頒行直隸各省畫一製造  
乾隆八年

欽定

聖廟樂章頒發曲阜及天下學宮俾樂舞生肄習虔肅將  
事



鄖陽府學宮舊爲鄖鄉縣學在府治東南明洪武間知縣馬伯庸創建成化二年知縣戴炎重修十二年設府爲府學宏治十四年撫治王鑑之崇其體制規模一新明大學士李東陽有記載藝文嘉靖三年撫治章拯移建府治北三十一年知府黎堯勳改置府治西三十六年撫治章煥改建城東門外是年東北一帶開築城垣遂環學宮於內卽今府學宮四十五年撫治劉秉仁重葺白河進士柴儒萬曆間撫治裴應章復修有記碑在府學

國朝順治十六年撫治張尙重修有記碑在學宮康熙二十三

鄖縣志

學校卷三

賢宮祀典

九

年知府楊廷耀重修有記碑在學宮後知府張文星黃焜

王瀚守道魯之裕相繼增修乾隆七年知府陳緯與

副將高瀚重建陳緯有記碑在學宮四十六年知府曾恆德與

副將馬定稟修理周圍牆垣嘉慶元年知府王正常

與鄖縣知縣葉治府教授熊堂訓導唐承中暨紳士

張鈞等重修道光二十八年知府胡允林與鄖縣知

縣陳子飭暨邑紳朱燦章等勸捐重修丹墀下建刻

至聖贊四配贊碑亭二座

明倫堂在大成殿後



教授訓導署在明倫堂左右乾隆四十一年建

縣學宮舊在城東南明成化十三年設府陞為府學嘉

靖十六年知府許詞奏建於府治西

國朝順治間知府李燦然重修康熙五十五年知縣盧上

進復修乾隆七年知縣狄蘭谷全行撤卻悉新之三

十六年知府王采珍展臨街舊基作櫺星門泮池繚

以垣墉詳藝文有記道光二十八年知縣陳子飭暨紳

士徐清來等勸捐重修

明倫堂在學宮偏西明嘉靖二十一年遷東詳藝文有

鄭縣志 學校卷三 黌宮祀典

十

國朝道光七年教諭蔡興讓訓導陳元吉勸捐重修

教諭訓導署在明倫堂左右



文廟木主位次

正殿

至聖先師孔子

正位南向

四配

復聖顏子

名回字子淵魯人邾國之後漢永平七年配

唐貞觀中稱先師開元中稱亞聖元至順元年稱充國復聖公明景泰三年置博士

述聖子思子

名伋字子思孔子之孫伯魚之子宋大觀二年從祀端平二年升十哲成子三年配

封沂國公元稱沂國述聖公明宏治十六年置博士

在殿內東旁西向

鄆縣志

學校卷三

黌宮祀典

十一

宗聖曾子

名參字子輿魯武城人鄆國之後唐總章元年配開元八年列像十哲之末宋咸口三年

重配元稱鄆國宗聖公明嘉靖十八年置博士

亞聖孟子

名軻字子輿鄆邑人魯公族孟孫氏之後宋元豐七年配復封鄆國公元稱鄆國亞聖公

明洪武五年罷六年復祀景泰三年置博士又考宋政和五年詔孟子廟以樂正子配享

公孫丑等十七人從祀

在殿內西旁東向

十二哲

先賢閔子

名損字子騫魯人唐開元八年從祀贈費侯

先賢冉子

名雍字仲弓魯人伯牛之族唐開元八年從祀贈薛侯宋下邳公改薛公雍正二年置博士



士

先賢端木子

名賜字子貢衛人唐開元八年從祀贈黎侯宋黎陽公改黎公康熙三十九年置博

士

先賢仲子

名由字子路魯卞人唐開元八年從祀贈衛侯宋河南公改衛公明萬曆中置奉祀崇禎

置十六年  
博士

先賢卜子

名商字子夏衛人唐貞觀二十一年以經師從祀開元八年衛人以十哲從祀贈魏侯宋河東

公改魏公康熙三十九年置博士

先賢有子

名若字子有魯人唐開元八年從祀贈卞伯宋平陰侯雍正二年置博士乾隆三年升列

位哲

鄆縣志

學校卷三

黌宮祀典

主

在殿內次東旁西向

先賢冉子

名耕字伯牛魯人唐開元八年從祀贈鄆侯宋東平公雍正二年置博士

先賢宰子

名予字子我魯人唐開元八年從祀贈齊侯宋臨淄公改齊公

先賢冉子

名求字子有魯人唐開元八年從祀贈徐侯宋彭城公改徐公

先賢言子

名偃字子游吳人唐開元八年從祀贈吳侯宋丹陽公改吳公康熙五十年置博士

先賢顓孫子

名師字子張陳人唐開元八年從祀贈陳侯宋宛卯侯改穎川侯又改陳公咸口三

年升列哲位  
雍正

先賢朱子

名熹字元晦號晦菴婺源人徙居建陽之考亭仕歷部郎提刑修撰待制漳州府江東轉

運廣南經略荆湖安撫等官贈寶謨閣學士  
諡文宋封信國公改徽國元改齊國明景泰



六年置建陽博士宋口祐元年從祀兩廡  
崇禎十五年稱先賢列漢唐諸儒上康熙五

十一年升  
列哲位

### 在殿內次西旁東向

### 東廡先賢

先賢公孫僑昭字子產左傳魯宣公八年始見

先賢林放魯人唐開元二十七年從祀明嘉靖九年以

問禮亦親炙聖人休光即非弟禮亦理之所安復祀

先賢原憲字子宰唐開元二十七年仲憲為夫

先賢南宮适字子容一作縉魯孟懿子之兄居南宮

### 鄆縣志 學校卷三 賢宮祀典 三

先賢商瞿字子木魯人唐開元

先賢漆雕開字子若一作憑字開蔡人鄭鉉

先賢司馬耕字伯牛宋人家語作司馬黎典史記

先賢梁鱣字子魚史記注作鯉字叔魚

先賢冉孺字子魯一作會家語作冉孺字子

先賢伯虔家語子析魯一作子析弟子解作子楷史

先賢冉季字子產魯人唐開元

先賢漆雕徒父子期魯人唐開元二十七年從祀

先賢漆雕哆字子斂魯人唐開元



先賢公西赤字子華魯人唐開元十七年從祀

先賢任不齊家語字子選史記字選楚

先賢公良孺家語名儒史記名孺字子正一作

先賢公肩定家語或曰晉人唐開元二十七年從祀

先賢鄒單史記有鄒單字子家無縣直家語有縣直字

開元二十七年從祀

先賢罕父黑史記字子索家語亦止有宰父字子索一字子

十七年從祀

先賢榮旂史記字祺家語作祈字子旂

鄭縣志 學校卷三 賢宮祀典 西

先賢左人郢史記字行家語作左郢字子行

先賢鄭國家語作薛邦史記訛薛為鄭又避漢高帝諱

祀

先賢原亢字子抗家語作亢亢一作原桃字子籍史記

年從祀

先賢廉潔史記字肅家語子庸一作子曹衛人

先賢叔仲會字子斯文唐開元二十七年從祀

先賢公西輿字子輿唐開元二十七年從祀

先賢邾巽家語作邾選字子欽史記訛邾為邾字子欽



開元二十七年從

先賢陳亢 字子亢 一字子禽 陳人 唐開元二十七年從祀

先賢琴張 一名牢 家語 字子開 文翁圖 字子張 衛人 唐開元二十七年從祀

先賢步叔乘 字子車 齊人 唐開元二十七年從祀

先賢秦非 字子之 魯人 唐開元二十七年從祀

先賢顏噲 字子聲 魯人 唐開元二十七年從祀

先賢顏何 字子冉 魯人 唐開元二十七年從祀 嘉靖九年罷 雍正二年復祀

先賢縣亶 字子象 魯人 明以史記不載 又疑與鄭單是 一人 罷祀 雍正二年以當時原無確據 仍為

二人 復祀

鄆縣志 學校卷三 黌宮祀典 五

先賢牧皮 孟子趙岐注 牧皮與琴張曾皆事孔子 學者是 牧皮為聖門高弟 無疑 雍正二年從祀

先賢樂正克 孟子弟子 好善 當在弟子之列 信人 又曰 其為

先賢萬章 孟子弟子 序詩 書記 稱孟子所如 不合 退而與萬章之徒 序詩 書記 稱孟子所如 不合 退而與萬

廟 雍正二年改稱 先賢某子 乾隆

先賢周敦頤 濂溪先生 字茂叔 道州營道縣人 知南康

公口 祐元 年從祀 明景泰六年

先賢程顥 明道先生 字伯口 河南人 官太子中允 權監

元年從祀 明改先賢 崇禎二年置 博士

先賢邵雍 康節先生 字堯夫 河南人 兩舉遺逸 授將作

監補 團練推官 贈著作郎 謚康節 封新安伯



賢崇禎三年從祀明先

### 西廡先賢

先賢遽瑗

字伯玉唐開元二十七年從祀明嘉靖九年

聖食於堂上瑗大賢坐於

先賢澹臺滅明

字子羽魯武城人唐

先賢宓不齊

字子賤魯人為單父宰

先賢公冶長

字子長家語作長魯人史記齊人范

先賢公皙哀

字次索隱作公析齊人

先賢高柴

字子羔家語齊人史記衛人仕衛

### 鄆縣志

### 學校卷三

賢宮祀典

去

先賢樊須

字子遲仕於季氏家語魯人鄭

先賢商澤

字子秀史記作子季魯

先賢巫馬施

字子期陳人史記作巫馬施字子旗

先賢顏辛

字子柳魯人史記作顏子

先賢曹邴

字子循蔡人唐開元

先賢公孫龍

字子公孫龍衛人鄭云楚人孟云

先賢秦商

字子丕家語字丕茲魯人鄭云

先賢顏高

字子驕家語作顏刻魯人

先賢壤洵赤

字子徒秦人家語壤作穰字



先賢石作蜀字唐開明家語作十七年從蜀秦

先賢公夏首字唐開元家語首作十七年從乘魯

先賢后處史記字唐開元家語作十七年從子字里

先賢奚容蒧家語字氏族大全記字子哲之後唐開元二十

七年史祀

先賢顏祖字唐開元語又名相字子襄魯

先賢句井疆字子野史記作句井正義作鈞井闕里

七年從祀

先賢秦祖字唐開元南魯人鄭云秦人

鄆縣志 學校卷三 覺宮祀典 七

先賢縣成字子唐開元縣成字子橫

先賢公祖句茲家語作公祖茲字子之魯

先賢燕伋字唐開元家語名級字子

先賢樂欬史記字唐開元正義魯人家語名

先賢狄黑家語字唐開元一作子哲史記字

先賢孔忠字子茂家語作孔弗史記作孔子兄

先賢公西蒧字唐開元史記作字上魯人

先賢顏之僕家語字唐開元史記字叔魯

先賢施之常字唐開元史記字子恆魯人



先賢申棖

家語申棖字子周史記作申黨字周文翁圖  
作堂後漢碑作棠鄭絃云即申黨堂棠係

誤總一七人也唐開元

先賢左邱明

中都人魯太史授經圖曰魯人楚左史倚  
相之後唐貞觀二十年以經師從祀明倚

嘉清九年改稱先賢崇祿

先賢秦冉

字開蔡人唐開元二十七年從祀明疑史記  
誤書罷祀雍正二年以史記列傳既著其姓

復標其人字是必  
實有其人復祀

先賢公明儀

咸豐三  
年從祀

先賢公都子

孟子弟子研性善之理關  
義外之說雍正二年增祀

先賢公孫丑

孟子弟子趙岐注孟子既沒萬章公孫丑  
記其所言有功於孔孟之道不少雍正二

鄭縣志

學校卷三

賢宮祀典

六

年增  
祀

先賢張載

橫渠先生字厚大梁人崇文院檢書知太  
常禮院諡明封鄆伯口祐元年從祀明改先

賢天啟二  
年置博士

先賢程頤

伊川先生字正叔明道之弟官崇正殿說書  
追諡正封伊陽伯元加洛國公宋曰祐元年

從祀明改先賢景泰  
六年置博士

東廡先儒

先儒公羊高

子夏弟子齊人唐貞觀  
二十一年從祀

先儒伏勝

字子賤濟南人秦博士傳尚書唐貞觀  
二十七年從祀今置鄒平博士

先儒毛亨

年無考受詩於荀卿廢居蘭陵距漢興三十  
烈王二十五年荀卿廢居蘭陵距漢興三十



二年太平御覽引毛詩正義云荀卿授漢人魯國毛亨則是秦漢間人同治二年從祀

先儒孔安國字子國孔子十一世孫生漢武帝時為博士國孔子侍中唐貞觀二十一年從祀

先儒后蒼字近嘉漢東海人修明禮以禮定禮之宗從祀

先儒鄭康成東漢高密人註經論禮一百餘萬言囊括大典綱羅百家出處進退一衷於道唐貞觀

二十一年從祀明嘉靖九年改祀於鄉雍正二年復祀

先儒范甯字武子晉鄆陵人南昌太守唐貞觀二十一年從祀明嘉靖九年改祀於鄉雍正二年以

興學造士著春秋穀梁集解有功聖道復祀

先儒陸贄字敬輿嘉興道人唐中書侍郎同平章事諡宣道光六年從祀

先儒范仲淹字希文吳縣人宋參政宣撫使康熙五十四年從祀

鄖縣志 學校卷三 賢宮祀典 九

先儒歐陽修字永叔廬陵人宋參政諡文忠明嘉靖九年從祀

先儒司馬光字正封夏縣涑水鄉人宋尚書左僕射諡文正封溫國公配享哲宗成口三年從祀

先儒謝良佐宋元豐八年進士與楊時同稱程門四先生道光二十九年從祀

先儒羅從彥豫章先生字仲素沙縣人龜山弟子宋博羅主簿諡文質明萬曆四十二年從祀

先儒李綱字伯紀邵武人宋政和二年進士除觀文殿學士湖廣宣撫使知潭州卒贈少師咸豐元年

祀年從

先儒張栻南軒先生字敬夫綿州人涉之子官吏侍知江陵府諡宜景定二年從祀

先儒陸九淵象山先生字子靜金谿人宋知荆門軍諡文安明嘉靖九年從祀

先儒陳瀆北溪先生字安卿龍溪人朱子弟子著四書先生太極諸書雍正二年從祀



先儒真德秀 政西山先生忠明封補城伯正統三年制帶拜參

先儒何基 字子恭金華人黃幹弟子得淵源之旨學本

為主諡文定雍正二年從祀

先儒文天祥 字宋瑞又字履善號文山吉水人宋理宗

公道光二十九年從祀

先儒趙復 元初知名儒德安人著傳道圖伊洛圖希賢錄

先儒金履祥 字吉夫號仁山蘭溪人何基弟子著大學

雍正二年從祀

先儒陳澔 字可大南康人博學好古著禮記集註明二

鄖縣志

學校卷三

二十

年從祀

先儒方孝孺 字希直一字與緒生講學不依名武時除漢

講選侍講學士同治二年從祀

先儒薛瑄 敬子軒先生字德溫山西河津人時稱薛

先儒胡居仁 字叔心餘姚人世稱敬齋先生明

先儒羅欽順 整菴先生字九昇太和人以實行教士著

雍正二年從祀

先儒呂柟 涇野先生明正德三年登進士第一授修撰

說要詩說序春秋說志禮問內外篇同治二年從祀



先儒劉宗周念臺先生字起東山陰人乾隆四

先儒孫奇逢字啟泰容城人

先儒陸隴其號稼書平湖人初任斯國朝縣令內陞

史雍正二年從祀乾隆元年追諡忠獻

### 西廡先儒

先儒穀梁赤周未子夏弟子唐貞觀二十一年始魯人生

先儒高堂生唐貞觀二十一年從漢時

先儒董仲舒廣川人漢武帝初年對策為

先儒毛萇趙人善說詩謂毛亨為大毛公萇為小毛公

### 鄭縣志 學校卷三 黌宮祀典 三

祀年從

先儒杜子春河南緱氏人漢永平初年從祀

先儒諸葛亮字孔明蜀漢丞相諡忠武雍正二

乎天理合乎

先儒王通字仲淹龍門人諡曰

先儒韓愈字退之修武人諡文公宋元豐

先儒胡瑗字翼之海陵人為湖州教授又為國學直講

先儒韓琦字稚圭相州安陽人宋天聖五年試進士唱

平章事宋大中祥符元年生熙寧



先儒楊時 字中山先生 諡文靖 明宏治八年從祀

先儒尹焞 字彥明 洛陽人 伊川弟子 學窮根本 德備中和 質直宏毅 著論語解 賜和靖處士 雍正二

祀年從

先儒胡安國 字康侯 崇安人 諡文定 明正統二年從祀

先儒李侗 字愿中 延平人 朱子受其 河洛之業 為述二

祀年從

先儒呂祖謙 字伯恭 婺州人 諡成公 改忠亮 墓題

先儒黃榦 字真卿 號勉齋 閩人 朱子壻 授以所著書 曰

絕謚文肅 雍正二祀

鄖縣志 學校卷三 黌宮祀典 三

先儒王柏 號魯齋 宋金華人 何基弟子 點核四書 經史

推明河洛九疇 著經書衍義 闡發濂洛淵源 謚文憲 雍正二祀

先儒陸秀夫 字君實 楚州鹽城人 宋景定元年從祀

先儒許衡 字仲平 河南人 學者稱魯齋 先生諡文正 皇慶二年從祀

先儒吳澄 字允成 臨江人 諡文正 明正統八年從祀

先儒許謙 號白雲 先生字益之 金華人 金履祥弟子 讀

書窮探深微 其詩文扶翼經義 綱維世教 著

先儒曹端 字正夫 涇池人 明永樂舉人 所著有孝經

從祀

解四書詳說周易乾坤二卦解義咸豐十年

四書叢說等書 雍正二祀



先儒陳獻章白沙先生字公甫新會人明翰林

先儒蔡清字介夫號虛齋晉江人學以靜虛為主訪

年從祀

先儒王守仁字伯安餘姚人讀書陽明萬曆十二年從祀

先儒呂坤刑部侍郎道字叔簡甯陵人明

先儒黃道周字幼平漳浦人乾隆十一年

先儒湯斌潛菴先生字孔伯睢州人乾隆

崇聖祠正位

肇聖王木金父公

鄖縣志

學校卷三

黌宮祀典

三

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠



東配

先賢孔氏孟皮成豐七

先賢顏氏名無繇字路家語顏繇字季路回之父唐明

嘉靖中配饗

先賢孔氏名鯉字伯魚子思子伋之父宋崇寧中加

西配

先賢曾氏名點字皙家語字子皙史記作曾葢參之父

年配饗

先賢孟孫氏名激魯公族軻之父元延祐三

鄖縣志

學校卷三

賢宮祀典

西

東廡先儒

先儒周氏名輔成周子敦頤之父

先儒程氏名珦字伯溫贈永年伯二程子

先儒蔡氏名元定字季通隱居西山諡文節世稱西

西廡先儒

先儒張氏名直字子敬時出知涪州立身端潔居官廉

年從祀

先儒朱氏名松字喬公朱子熹之父動明嘉靖九年從祀

以上先賢先儒位明嘉靖時稱先賢某氏先儒某



氏

四朝因之

附錄同治二年新章謹按

乾隆十八年議定從祀位次先賢首蘧瑗林放蓋以文翁圖列二人於七十二賢之內而伯玉年先於孔子故與林放俱列弟子之首自澹臺滅明至牧皮悉仍舊次則以史記家語所紀弟子之年既不相合所列弟子之序亦不相同且同爲孔子弟子不能定其先後也孔子弟子之次爲孟子弟子又次爲周張程邵五子五子之

鄖縣志

學校卷三

黌宮祀典

三五

中邵子年最長而列四子之下者則於序齒之中兼論道德也張子在二程子之上者以二程父表弟年亦長於二程也至先儒則有時代之可憑有年齒之可據故皆按年序次載在乾隆年間

欽定

會典通禮諸書今先賢中增祀公孫僑公明儀二人公

孫僑年先於蘧瑗應在蘧瑗之上擬以公孫僑移於東廡第一位蘧瑗移於西廡第一位林放既與蘧瑗並稱擬移於東廡第二位而移澹臺滅明於西廡第二位牧皮爲孔子弟子公明儀爲曾子弟子擬移牧皮於東廡



第三十五位移公明儀於西廡第三十五位其餘先賢之位悉仍其舊以省東西移易先儒增祀者凡十五人其位次隨時擬定限於東西多寡之數於時代不無參差今合原定從祀與續經增祀之儒各就時代按其生年一東一西以次排列庶與乾隆年間

諭旨相符而無凌躐之弊

### 丁祭禮節

祭前二日正獻官分獻官陪祀官及執事學弟子員均致齋前一日有司飭廟戶潔掃殿廡內外正

鄭縣志

學校卷三

黌宮祀典

三

獻官率各官及執事生入學習儀教官率樂舞生入學習舞習吹樂用六佾司祝版送正獻官書銜名畢司祝捧祝版供於廟內祝案上行三叩禮視宰官公服詣神廚視宰瘞毛血祭日陳設畢引贊生引佐貳官詣

大成殿兩廡周視齊盛籩豆登銅之寶日出前六刻正獻官朝服詣

廟左側門下轎引贊生引詣致齋所少俟引詣階東盥洗所盥手畢詣拜位前立通贊生贊樂舞生就



位執事生各司其事陪祀官各就位分獻官各就位正獻官就位教官升階糾儀贊迎

神司麾生唱迎

神樂奏昭平之章樂作引贊贊就上香位引正獻官升東階入殿左門贊詣

先師香案前跪俯伏上香司香生跪捧香盤進三上香畢俯伏興以次詣四配位前跪上香儀同贊復位初迎

神時分獻引贊生引東西序分獻官升東西階入殿左

鄭縣志

學校卷三

贊宮祀典

七

右門詣十二哲位前跪上香復位兩廡分獻官分詣先賢先儒位前跪上香均如前儀引贊贊跪叩興正獻官分獻官暨陪祀官行三跪九叩禮興樂止通贊贊奠帛爵行初獻禮奏宣平之章樂作舞羽籥之舞引贊引正獻官升階贊詣

先師位前跪正獻官俯伏司帛跪捧篚正獻官受篚拱舉奠於案司爵跪捧爵正獻官受爵拱舉奠於正中俯伏興就讀祝位引正獻官至殿中拜位立贊跪眾官皆跪讀祝司祝生預詣祝案前三叩首興



捧祝版跪樂暫止讀畢捧祝版跪安

先師位前三叩首興退樂作正獻官分獻官陪祀官均  
行三叩禮興引正獻官以次詣四配位前跪奠帛  
獻爵儀同復位分獻引贊生引兩序分獻官升東  
西階入殿左右門詣十二哲位前跪俯伏奠帛獻  
爵興復位均如儀引兩廡分獻官分詣先賢先儒  
位前奠帛獻爵儀同樂止行亞獻禮奏秩平之章  
樂作引正獻官升階詣

先師暨四配位前奠爵於左兩序兩廡分獻畢均復位

鄖縣志

學校卷三

學宮祀典

三

樂止行終獻禮奏敘平之章樂作引正獻官升階  
奠爵於右如亞獻儀兩序兩廡隨分獻畢均復位  
樂止文舞退通贊贊飲福受胙引贊贊詣受福胙  
位引正獻官至殿中拜位立捧福胙生二人自東  
案捧福胙至

先師位前拱舉退立於正獻官之右接福胙生二人自  
西案進立於左贊跪飲福酒右一人跪遞福酒正  
獻官受爵拱舉授於左興次受胙如飲福之儀贊  
叩興正獻官三叩首復位正獻官分獻官暨陪祀



官均行三跪九叩禮興通贊贊徹饌奏懿平之章  
徹饌畢樂止贊送

神奏德平之章贊跪叩興正獻官分獻官暨陪祀官行  
三跪九叩禮興樂止司祝捧祝司帛捧帛司香捧  
香司爵捧饌恭送燎所正獻官避立拜位旁俟過  
復位樂作引正獻官詣燎所視燎禮畢仍引由左  
側門出陪祀各官皆退

分獻禮節

兩序分獻官二人隨正獻官後夾甬道立引贊四

鄖縣志

學校卷三

饗宮祀典

五

人各依獻官東西旁立兩廡分獻官二人隨兩序  
分獻後夾甬道立引贊亦各依獻官東西旁立司  
香司帛司爵職事生各依祭案序立俟正獻官獻  
四配時通贊唱行分獻禮引贊各唱升壇兩序獻官  
由東西側階旁入唱詣

東西哲 東西廡先賢神位前唱就位跪初上香亞

上香三上香叩首獻帛奠帛初獻爵奠爵叩首興

復位各由東亞獻通贊唱行分獻禮升降引贊唱

就位跪叩首亞獻爵奠爵叩首興復位終獻引贊



唱就位跪叩首終獻爵奠爵叩首興復位餘如前儀  
戒誓禮節

祭前三日繕祝版分職事乃戒誓設戒誓牌於明倫堂南向祭官率各官公服詣堂前鳴贊唱跪叩興各官行一跪三叩禮唱讀戒詞鳴鐘鼓戒誓生恭捧戒牌西向讀曰欽遵

令興於 月 日丁 祇行釋奠禮於

至聖先師孔子官員職事人等自今日始為沐浴更衣散齋一日各宿別室不飲酒不茹葷不弔喪不問

鄖縣志

學校卷三

黌宮祀典

三

疾不聽音樂不理刑名致齋一日同宿齋所思神飲食思神居處思神笑語思神志意思神所樂思神所嗜各宜精白乃心益加敬謹戒之哉讀畢捧牌安原處唱讀誓生恭捧誓牌西向讀曰

國有常憲明神鑒焉讀畢捧牌安原處唱懸戒牌戒誓生捧牌恭懸黌門外唱給齋牌凡與祭官生領齋牌訖唱設誓牌戒誓生捧牌置案昇起引導樂作鳴鐘鼓設誓牌於戟門外禮畢

謹案闕里排班於同文門前戒牌懸同文門誓牌設大中門下正中



春秋二祭祝文

維年月日致祭於

至聖先師孔子曰淮

先師德隆千聖道冠百王揭日月以常行自生民所未有

屬文教昌明之會正禮和樂節之時辟雍鐘鼓咸恪

薦於馨香泮水膠庠益致嚴於籩豆茲當仲祗率

奠章蕭展微忱聿將祀典以

復聖顏子

宗聖曾子

鄖縣志

學校卷三

巖宮祀典

三

述聖于思子

亞聖孟子配尚

饗

樂舞六章

迎神樂奏昭平之章

一舞二舞一別一扯

伏伏伏伍

一召二召一揖對面

一兩舞對面一擡一灌

一別二別一揖一擡

一舞二舞一擡一握

伍伍伍伍

一對面對面一揖朝上

一別二別一擡一扯

一擡二擡三擡一叩

祥徵麟紱

韻答金絲

日月既揭

乾坤清夷



初獻樂奏宣平之章

一舞二舞一別一扯

于懷明德

一召三召一揖對面

玉振金聲

兩舞對面一擡一灌

生民未有

一別二別一折一擡

展也大成

一舞二舞一擡一擡

俎豆千古

對面一擡一揖對面

春秋上下

一別二別一擡一擡

清酒既載

一擡二擡一擡一擡

其香始升

亞獻樂奏秩平之章

一舞二舞一擡一擡

式禮莫愆

一召三召一揖對面

升堂再獻

兩舞對面一擡一擡

響協鼓鏞

一別二別一擡一擡

誠孚罍獻

一舞二舞一擡一擡

鄭縣志

對面一擡一擡

學校卷三

一別二別一擡一擡

饗宮祀典

一擡二擡一擡一擡

三

肅肅雍雍

一擡一擡一擡

禮陶樂淑

伍伏伍伏

終獻樂奏敘平之章

一舞二舞一擡一擡

自古在昔

一擡一擡一擡

先民有作

背一背二一擡一擡

皮弁祭菜

對面對面一擡一擡

於論思樂

一看二看一擡一擡

惟天牖民

一召三召一擡一擡

惟聖時若

一擡二擡一擡一擡

彝倫攸敘

一舒二舒一擡一擡

至今木鐸

徹饌樂奏懿平之章

一舞二舞一擡一擡

先師有言

一看二看三看一存

祭則受福

背一背二一擡一擡

四海饗宮

對面對面一擡一擡

疇敢不肅



禮成告徹  
毋疏毋瀆  
樂有所生  
中原有菽

送神樂奏德平之章

鳧繹我我  
洙泗洋洋  
景行行止  
流澤無疆

聿昭祀事  
祀事孔明  
化我蒸民  
育我膠庠

謹按乾隆五十年九月奉


上諭樂部所奏五六工尺上與古樂宮商角徵羽本自

邯鄲志 學校卷三 贊宮祀典 三

相合今乃避雅而從俗蓋欲便於學習也再春  
秋奏樂起調不同今祇照春丁旁註亦庶幾易  
於爛熟耳



圖 簋



孝經註簋形制雖與簋異而容受則與簋同儀禮曰簋有蓋冪蓋四隅微稜起如雲狀

圖 簋




詩經註陳氏祥道曰考工記旒人為簋崇尺厚半寸簋內圓外方其實稻梁簋外圓內方其實黍稷或以木為之天子飾以玉諸侯飾以象儀禮曰啓簋會蓋也蓋象龜形今多以銅為之

鄭縣志

學校卷三

樂器圖

圖 豆 圖 籩



詩經註鄭氏康成曰籩竹器其實容四升亦名簔明堂位曰薦用玉豆雕篋蓋以竹為而雕鏤其柄也



詩經註聶氏崇義曰舊圖豆以木受四升高尺二寸漆赤中大夫以上畫以雲氣諸侯加象飾天子玉飾又明堂位曰夏以楬豆殷以玉豆周以獻豆蓋楬不飾而玉獻楬上飾玉也其足名鐙其直名校黑漆朱飾近以銅鑄存其形耳



象尊圖 雲雷尊圖



象尊取形於象以明夏德夏假也  
萬物之所由化也以貯亞獻之酒  
範銅為之其背有穴穴有蓋以腹  
受酒以鼻瀉酒今制用磁確確腹  
畫象之形

雲雷尊即山巒尊刻木為之畫以  
山雲兩耳螭首夏后氏之制也以  
貯初獻之酒挹酒以勺今制用磁  
確確腹畫山雲之形

鄖縣志

學校卷三

樂器圖

三五

登圖 銅圖



銅小鼎也盛和羹之器周禮亨  
人祭祀賓客供銅羹蓋以銅鼎  
之器盛調和之羹也範銅為之

詩經註陳氏祥道曰登瓦器其  
實太羹又說文曰禮器則非  
常用者也字從夕即肉從又即  
手蓋用手持祭肉於豆之義也  
與登降之登從火不同近以銅  
鑄其名猶在



犧尊圖 壺尊圖



詩經註朱子曰畫牛於尊腹也或曰尊作牛形鑿其背以受酒也查字典犧音義取犧牲亨食之義也今制用磁罐罐腹畫牛形



詩經註許氏慎曰圓器也鄭氏康成曰壺大一石查壺尊係尊作壺形其脰飾饗饗腹者雲雷示有節止而又施澤及時也

鄭縣志

學校卷三

樂器圖

三

大尊圖 著尊圖



大尊大從泰有虞氏之制貴本尚質瓦尊也



著尊無足而底著地明堂位曰商尊也按唐制先聖先師每坐以犧尊實醴齊象尊實盎齊山繫尊實酒皆二至今禮同只設二尊其闕里志釋尊乃備六尊又有壺尊大尊著尊蓋周禮之舊歷代相沿者也



巾幕圖



巾幕用以覆尊周禮幕人掌共  
巾幕古以疏布為之尚質也釋  
奠儀譜則用絳布畫龍四角用  
錢鍍金為墜今畫絳布亦可

龍勺圖



勺所以酌酒而注之爵者範金  
為之其柄作龍頭故曰龍勺夏  
之制也殷則以疏周則以蒲今  
以銅錫為之可也


鄖縣志

學校卷三

樂器圖


三

爵



詩經註聶氏崇義曰梁正阮氏  
圖云爵尾長六寸博二寸傅翼  
方足漆赤中畫赤雲氣又爵  
所以獻酒也夏曰琖殷曰斚周  
曰爵命之以爵其制若雀然又  
取其鳴節以戒荒淫學畫禾稼  
琖即盞王爵也

祝版圖





祝文用白紙楷書粘於木版之  
上故曰祝版便於捧讀祭畢揭  
而焚之





俎

圖



詩經註陳氏祥道曰明堂位曰俎有虞氏以梳夏后氏以商以楸周以房俎房之制有戶闔詩言大房此房俎也又明堂位房俎鄭注云足下加附也其字從夂肉也非從交俎有蓋臨祭啟蓋以致潔誠

篚



聶氏崇義曰篚以竹為之長三尺廣一尺深六寸足高三寸此制俱用周尺

鄭縣志

學校卷三

樂器圖

美

匜

圖



洗



匜盛盥手水之器以銅為之周禮凡裸事沃盥盥祭之時有壘以盛水有料以斟水而洗洗則以悅拭手悅用白布即手巾也匜之用猶壘乃貯淨水者也亦名匜盤

洗盛棄水之器以銅為之兩旁有環中飾龜魚蓋祭祀禮肅不欲其停污於地也三獻三次盥手水皆棄舊換新洗之用以存棄水也今概用銅面盆







古鐘制



鄖縣志


學校卷三

樂器圖

四

十六編鐘外同一制隨體厚而內高與徑遞減其度

今鐘制




中徑六寸八分二厘六毫六絲 上下徑同四寸七分 厘九毫六絲  
內容黃鐘五百一十二筭 得黃鐘八百六十四筭



負鐘虞歌名勝  
負磬虞鳥名羽

# 編磬圖

虞深雨頭龍鳳  
所銜者名璧琴




詩經註陳氏祥道曰磬  
後長尺八寸博九寸厚  
二寸弦者兩頭相望者  
也兩弦之間三寸七分  
半前長二尺七寸博六  
寸厚寸

## 郎縣志

### 學校卷三 樂器圖

四

# 古磬制



今磬制

鼓一尺零九  
分三釐毫

股七寸二  
分九釐



股博五寸四分六釐七毫五絲


鼓博三寸六分四釐五毫

十六編磬形同一制厚博有損益故聲分清濁股七寸  
二分九釐其廣五寸四分六釐七毫五絲鼓一尺零九  
分三釐五毫其廣三寸六分四釐五毫其厚分數具列  
如左



搏拊草音也樂記註云樂器雖多必會合相守待擊拊鼓然後作也樂工聞撫拊之聲則絃歌與馬聞擊鼓之聲則播吹與馬與鼓相聞而擊雖名搏拊實古之小鞀也其數二

搏拊圖




徑七十二分九厘長一尺四寸五分八厘

木腔皮冒兩環擊奏則提在手間則置於架

琴

圖



詩經註陳氏祥道曰廣雅云琴三尺六寸六分象三百六十有六日五絃象五行文王武王冊二絃



琴通體長三尺一寸三分四釐七毫絃度長二尺九寸

一分六釐自岳山內際至焦尾計算岳山至額二寸一分八釐七毫

自岳山內際至額計算岳山厚二分四釐三毫額廣五寸一分零

三毫肩廣五寸八分三釐二毫腰廣四寸三分七釐四

毫尾廣四寸三分七釐四毫鴈足設於絃度四分之三

絃七宮絃二百四十綸十二絲為一綸商絃二百有六綸角

絃一百七十有二綸徵絃同商絃羽絃同角絃文絃一

百三十有八綸武絃一百有四綸 徽十三於絃度之

半立第七徽以絃度之半又平分之立第四徽第十徽

鄖縣志 學校卷三 樂器圖 聖

以第四徽至岳山之度平分之立第一徽以第十徽至

焦尾之度平分之立第十三徽復三分其絃度一分立

第五徽二分立第九徽以第五徽至岳山之度平分之

立第二徽以第九徽至焦尾之度平分之立第十二徽


復五分其絃度一分立第三徽二分立第六徽三分立

第八徽四分立第十一徽



瑟

圖



詩經註陳氏祥道曰世本云庖犧作瑟五十絃黃帝使素女鼓之乃破為二十五絃雅瑟長八尺一寸廣一尺八寸二十三絃其常用者十九絃頌瑟長七尺二寸廣尺八二十五絃盡用之

鄭縣志

學校卷三

樂器圖

瑟

瑟通體長六尺五寸六分一釐絃度長四尺三寸七分

四釐自前梁內際至後梁內際計算前梁至首額七寸二分九釐自前梁內際

際至前額計算後梁至尾末一尺四寸五分八釐自後梁內際至尾末計算

前後梁高廣俱七分二釐九毫首廣一尺四寸五分八釐

釐前腰一尺三寸八分五釐一毫後腰一尺三寸一分

二釐二毫尾廣一尺二寸三分九釐三毫絃二十五無

巨細皆二百四十三綸中一絃色黃兩旁各二絃色

朱一絃一柱安柱之度隨調轉移



鳳簫圖



詩經註應氏劭曰簫參差象鳳翼郭氏璞曰大者編二  
十三管長尺四寸小者十六管長尺二寸孔氏穎達曰  
編小竹管為之

鄖縣志

學校卷三

樂器圖


四

鳳簫音制





制 笛 橫



自吹口而右通長一尺二寸五分  
 分一釐七毫徑四分三分三釐五毫  
 自吹口而左長四寸自吹口而  
 右九寸九分五釐九毫為出音  
 孔八寸八分五釐二毫為第一  
 孔七寸九分二釐一毫為第二  
 孔七寸四分二釐八毫為第三  
 孔六寸四分二釐八毫為第四  
 孔五寸四分二釐八毫為第五  
 孔四寸四分二釐八毫為第六  
 音孔至底孔中間又有二孔一出  
 音口而右一尺五分七釐一毫  
 八分


邯鄲志

學校卷三

樂器圖

樂

圖 笛 橫



橫笛亦竹音也說文七孔  
 笛也橫而右吹風俗通曰  
 武帝時邱仲作笛滌也所  
 以滌邪穢納之雅正此橫  
 笛乃自漢始也查宋五巴  
 有笛賦則在漢前蓋古之  
 笛字同遂字遂音狄係直  
 吹之樂即今之長簫也李  
 善別馬融所賦長笛為今  
 之橫笛則笛有直吹即遠  
 明矣其數六



篪

圖



詩經註賈氏公彥曰廣雅云  
 篪以竹為之長尺四寸八孔  
 一孔上出寸三分鄭司農云  
 七孔蓋寫者誤當云八孔或  
 司農別有所見云

鄭縣志


學校卷三

樂器圖

四七

篪

制



長一尺四寸無底橫吹徑八分  
 七釐自吹口而右至管末九寸  
 九分五釐九毫自吹口至出音  
 二小口八寸三分八釐六毫自  
 吹口至向外最下第一孔七寸  
 零四釐第二孔五寸九分三釐  
 第三孔四寸九分七釐九毫第  
 四孔三寸九分六釐第五孔二  
 寸九分六釐五毫自吹口至向  
 內最上一孔二寸四分八釐九  
 毫



長簫圖



長簫亦竹音也六孔調律一口單吹亦呼簫管以為折鳳  
 簫之一管也音長而幽聲悽而感為雅樂中最佳之器也  
 或曰今之長簫即古之遂遂音狄乃直吹之樂也以簫字  
 象比竹之形似與單竹無義今以橫吹之笛為笛故別遂  
 為簫廣雅謂管象簫康成以管如笛而小並兩而吹則是  
 單吹之管即簫也其數六


鄭縣志

學校卷二

樂器圖

吳


長簫制



長一尺七寸七分零五毫徑四分  
 三釐五毫自吹口至出音孔一尺  
 五寸八分四釐二毫自下而上至  
 第一孔一尺四寸零八釐一毫第  
 二孔一尺二寸五分一釐七毫第  
 三孔一尺一寸二分零四毫第四  
 孔九寸九分五釐九毫第五孔八  
 寸五分第六後出孔七寸零四釐



笙圖



詩經註陳氏祥道曰笙大者十九簧小者十三簧嚴氏  
樂曰笙以匏為之十三管列匏中而施簧管端吹笙則  
鼓動其簧而發聲

鄖縣志


學校卷三

樂器圖

笙

笙十七簧徑皆一分六釐五毫其尺寸皆自簧口至出  
音孔為度自九管而下至一管簧皆長而輒十管以上  
至十七管簧皆微短而硬

笙



制



壘

圖



詩經註陳氏祥道曰廣雅云壘象秤錘以土為之六孔郭璞又謂銳上平底大者如鶩子小者如鷄子蓋壘之大小不同而同於六孔

鄖縣志


學校卷三

樂器圖

平

點

口吹孔頂



黃鐘壘

制

口吹孔頂



形近橢圓上銳下潤底平自頂至底高二寸二分一釐七毫其中大處徑一寸七分二釐二毫底徑一寸一分四釐八毫皆從中空處計算頂一孔為吹口前三孔中為第一孔自頂而下第一寸九分七釐一毫左為第二孔一寸七分六釐四毫右為第三孔一寸五分六釐八毫後二孔偏左為第四孔自頂而下第一寸三分二釐偏右為第五孔九分八釐五毫



鼓大小不等各以其面之徑數三分之得其三分之一  
 數加於腰徑兩旁各一

楹

鼓

圖



鄭縣志

學校卷三

樂器圖

三

詩經註陳氏祥道曰考工記韞人為皋陶鄭司農云皋陶木鼓也

長六尺有六寸左右端廣六寸中尺厚三寸鄭司農云

寸而中央廣尺穹者三之一康成謂穹隆者居上三正

如司農云謂兩頭鼓長八尺中圍加三之一謂

一平中中央一平也鼓四尺謂為舉鼓長尋有四尺鼓四尺

之鼓鄭司農云鼓四尺也明堂位曰夏后氏之足鼓鄭康

倨句磬折不參折中曲也禮器曰廟堂之上縣


四足謂商之楹鼓蓋謂一楹而四稜禮器曰廟堂之上縣

鼓在西應鼓在東周官眠瞭掌凡樂事播鼗鄭氏以為  
 如鼓而小持其柄搖之旁耳還自擊是也詩曰應田縣



鼓先儒以詩之田為棟棟小鼓應應鞞也

祝 敵 圖



鄭縣志


學校卷三

五

詩經註郭氏璞曰祝如漆桶方二尺四寸深一尺八寸  
中有椎柄連底扞之令左右擊敵如伏虎背上有二十  
七鉏鍤刻以木長尺櫟之 又二樂皆木器也



節圖



節引舞之具也制以龍頭朱竿懸纓七重用架置之俟舞  
生就列當舞之時雙節前引行列綴兆則執節者分立於  
東西兩階舞生之前以節其舞蓋樂之聲鼓以節之舞之  
容節以節之記曰君召二節以走一節以趨註謂隨事緩  
急夫舞之用節其亦緩急應節之意乎楚辭曰展時兮會  
舞一律兮合節是舞離節則行列不符矣其數二

鄖縣志

學校卷三

樂器圖

五

羽圖



羽舞具之有文彩者右手所執周禮大司樂教六舞註謂  
帔舞羽舞皇舞干舞旄舞人舞也蓋舞有文有武羽與旄  
文舞尚馬詩曰左手執籥右手秉翟翟即羽也說文山雉  
曰翟五色皆備以象文德之風化疾也制用雉尾一根以  
龍口朱柄插之而舞後舞圖係由大常寺繪錄者羽用  
三雉尾



圖 籥

詩經莊毛氏萇曰籥六孔朱子曰籥如笛而六孔或曰三孔又籥舞具之有聲音者




郎縣志

學校卷三

樂器圖

圖 干

圖 戚



干武舞之具也書曰舞干羽於兩階干即盾爾雅扞也蓋兵器而以蔽身者衛孫炎曰干有自蔽是矣用之干舞武功之容也戚亦武舞之具也戚之與戊同物異名皆長秘鉞斧也徐鉉曰戚斧也執而不威斧也長明神武不殺也舞之而威德有象矣



誕辰

雍正五年制八月二十七日恭遇

先師誕辰王公百官致齋一日各衙門不理刑名民間禁

止屠宰

雍正三年制

聖諱避作即讀作期音

謁廟

唐鄉貢宋貢舉人皆謁

先師明新舉人更衣謁 學然後赴鹿鳴宴官員蒞任三

鄭縣志

學校卷三

誕辰

五

日謁

學行香諸生講書任滿陞遷辭

廟然後解任而新生謁

聖亦始於明

康熙二十二年頒

御書萬世師表匾額

雍正三年頒

御書生民未有匾額

乾隆元年頒

御書與天地參匾額



嘉慶四年頒

御書聖集大成匾額

道光元年頒

御書聖協時中匾額

道光三十年頒

御書德齊疇載匾額

同治二年頒

御書聖神天縱匾額

崇聖宮攷

鄖縣志

學校卷三

匾額

庚

謹按孔廟祀典配以諸賢蓋崇德報功禮綦隆矣然  
祭先聖而不推本先聖所自出孔子仁至義盡萬世  
人極揆諸水源木本之思能無憾乎况顏曾思皆列  
配堂上而其父皆從祀兩廡亦非所以伸大賢仁孝  
之心也明嘉靖九年詔別立啓聖祠祀叔梁紇稱啓  
聖公孔氏以顏路曾皙孔伯魚孟孫氏配享稱先賢  
程伯溫朱喬年蔡季通從祀稱先儒至萬曆中又詔  
周伯大從祀亦稱先儒我

朝雍正二年封孔子五代王爵改啓聖祠為崇聖祠又



增先賢張子之父迪從祀稱先儒咸豐七年增孟皮  
配享稱先賢

春秋二祭祝文

維年月日致祭於

肇聖王

裕聖王

詒聖王

昌聖王

崇聖王曰惟王奕業鍾祥光開 聖緒盛德之後積久彌

耶縣志

學校卷三

崇聖宮攷

三

昌凡聲教所覃敷率循源而溯本宜肅明禮之典用  
申守土之忱茲屆仲稽聿修祀事配以

先賢孔氏

先賢顏氏

先賢曾氏

先賢孔氏

先賢孟孫氏尙

饗



學額

歲試文武學額各十五名

科試文學額十五名

廩缺二十名

增缺二十名

二年一貢



書籍

順治九年

頒勒學校臥碑

康熙二十二年頒

御製訓飭士子文

雍正二年頒

御製聖諭廣訓

御製明倫堂論

欽定樂器圖

鄆縣志

學校卷三

書籍

五

雍正六年奉

旨頒發平定青海告成太學碑文

乾隆九年奉

旨頒祭祀樂章

恭載  
祀禮

乾隆十四年奉

旨頒發平定金川告成太學碑文

乾隆二十年奉

旨頒發平定準噶爾告成太學碑文

乾隆二十四年奉



旨頒發平定回部告成太學碑文

乾隆四十一年奉

旨頒發平定兩金川告成太學碑文

嘉慶七年頒

御書平定三省紀略

頒發學宮經籍

日講四書

每部一函

周易折衷

每部一函

書經說傳彙纂

每部二函

鄖縣志

學校卷三

書籍

卒

詩經傳說彙纂

每部二函

春秋傳說彙纂

每部二函

三禮義疏

每部二十四函

孝經註

每部一函

性理精義

每部一函

十三經註疏

每部十二函

二十一史

每部五十函

明史

每部十二函

朱子全書

每部四函



通鑑綱目

每部八函

資治通鑑綱目三編

每部四函

唐宋文醕

每部四函

淵鑑古文

每部四函

四書文

每部二函

以上書籍因道光十二年咸豐二年兩次漢水入城均被漂沒今無存



書院

鄖山書院在府治東北明嘉靖二十六年撫治于湛建  
萬曆十四年知府沈鈇增修

國朝雍正十年守道魯之裕重建

乾隆十三年知府張世芳重建四十七年知府曾恆  
德復新之

嘉慶二年院東西齋傾圮知府王正常補葺改名龍  
門書院

道光二年學使楊懌曾仍復原名曰鄖山書院移置

鄖縣志

學校卷三

書院

三

舊通判署並因書院膏火無資咨會巡撫楊懋恬

奏撥光化縣變價逆產銀兩歸鄖陽府發典生息爲

膏火獎賞之資鄖山書院膏火自此始是年知府李

義文修理講堂學舍四年始開課十年知府崇善倡

捐銀 兩合原撥光化銀兩共湊銀足三千兩俱

發典生息延請山長課士膏火束修俱由此項開支

十六年知府李嘉祥詳請動用本銀以作捕蝗之費

李嘉祥因案撤任奉檄飭後任知府攤賠本利銀兩

仍照常課士咸豐二年本銀業已攤足知府侯庭樾



兼鄖縣事復詳請動用本銀辨理兵差當經督撫批  
駁飭賠侯庭懋陞任病故原日發典生息本銀三千  
兩無存自此書院停課九年知府李宗燾整飭書院  
事宜按月捐廉課試派邑紳徐清來崔誥王希杰胡  
淑經清理先年書院地租並新捐新置田地房屋租  
息除完納錢糧外餘錢若干酌定章程每月由府課  
試生童一次卷價火食膏火獎賞按每年入息開支  
文案地契存府備查收租開支俱由府飭書院每年  
舉報在城公正紳士二人輪管

鄖縣志

學校卷三

書院

三

計開鄖山書院田地房屋租息並完納錢糧數目

一 王大定  
劉士德

捐地一分坐落黑虎保每年收租錢三十

六千文

一 張良治 捐地一分坐落傘竹保每年收租錢二十

二千文

一 曹俊山 捐典田一分坐落塔峪保每年收租錢四

千文

一 丁愛明 逆產一分坐落瓜子保每年收租錢二千

文



一楊文彩 捐地一分坐落普高白保每年收租錢二

十六千文

一 張計氏 捐典田價錢六百三十千文每年收息錢

四十千文

一 吳心田 捐地一分坐落鄆西縣屬每年收租錢四

千文

一 劉榮德 捐典價錢五百五十千文

一縣書 王光耀 賠繳錢三百千文

置買地一分坐落圩坪保每年租錢二十三千文

鄆縣志 學校卷三 書院 畜

置買瓦房一院坐落新仁保每年租錢十六千四百

文



試院

試院即舊撫治署康熙四十九年知府郭維禎嘗設書院於此後即為試院乾隆二十年添修東西文場學

昌平陳浩堂仍舊曰保釐吳省欽題後郎歲科試院

原公子英創大堂曰帥正餘姚胡汝登東鼻改曰保

士氣釐文體於後堂重標其額保訓養釐訓理訓治養

為證道光七年房縣文童袁因文場坐號殘缺捐錢

六百千文置堅厚木堦後漸損二十九年知府胡允

林郎縣知縣陳子飭暨邑紳卜作棟等勸捐重修前

鄖縣志

學校卷三

試院

奎

後堂舍文場坐號木堦栽石為足俾免挪移各弊至今賴之



賓興

賓興卷價田在鄖縣豐宜保康熙間教授朱馥捐置嗣後教授程興仁復加清理

興仁有記  
詳藝文

道光二十九年邑貢生趙堪勸捐邑西鄉各紳錢六百千文府學訓導徐恆曾捐錢九十千文邑紳賈炳文捐錢一百千文王士倬捐典價錢九十千文邑東鄉紳士共捐錢一百五十千文置市房一所每年收租錢四十千文逢鄉試連卷價田每年計收租米一石七斗變價並市房每年租錢派管事攜赴省城按

鄖縣志

學校卷三

賓興

奕

邑中赴省鄉試人數酌量均分



義學

明萬曆中知府呂師顏徐順明先後建置社學三所今俱廢

縣義學在貢院東轅門外係

國朝雍正十一年知縣謝樹蕃建有學田一頃九畝每年

收租

協營義學有學田二十九坵計種一石在高二里協鎮

崔相國捐置

龍峰社學在城西百四十里乾隆三十六年邑諸生李

鄭縣志

學校卷三

義學

李

祖庚捐建置學田二坵圍圃一段

時敏社學在大堰保乾隆中士人李旭等倡捐學田計

種三斗山坡平地一段學舍三間

瓜子保社學道光十二年前縣熊公勸捐設立每年收

包谷租十二石立有條規十則

敦仁社學在將軍保道光十二年監生金桂貢生金鵬

庠生金大用監生金大智同捐設

龍東保社學何李潘劉四姓捐地三畝建屋三楹在六

坡下兵燹後屋燬於火碑亦裂



黃龍鎮社學道光間黃姓捐地三分一分在本街二分  
在鄉咸豐四年分司錢定顯鄉紳余澂廷各捐錢五  
十千文相地於司署儀門內西側建屋三楹耳房一  
間

英萃社學在豐水保邑人閻士榮捐設

鮑家店社學公捐房基一所現存瓦房五間

唐家坪保社學同治元年監生王文億倡首勸捐修立  
正房三間廈房五間文億捐地二分收租以作館師  
東脩

鄖縣志

學校卷三

義學

矣

春明社學鄉紳何中清捐設修建瓦房三楹火房一間  
山地一分每年春秋收租八石地在孤山保小石撞